

游滿韓小志

完

特260

632



始



露光量違いの為重複撮影

游滿韓小志

完



角26
632

新緑の候玉堂愈々御清安奉大賀候揚今回小著刊行候に付ては自序にあるが如く極めて粗末の作品に候へ共小子曾遊の記念とし且本年御大禮を行はせられるに付奉祝記念として清世を謳歌する微志の下に上梓せし次第一部御坐右に呈上候間何卒御指教御叱正を賜はば幸甚之至に御座候 早々敬具

昭和三年五月

各 位

渡 邊 訓 吉

露光量違いの為重複撮影

游滿韓小志

完



角 260
632

新緑の候玉堂愈々御清安奉大賀候揚今回小著刊行候に付ては自序にあるが如く極めて粗末の作品に候へ共小子曾遊の記念とし且本年御大禮を行はせられるに付奉祝記念として清世を謳歌する微志の下に上梓せし次第一部御坐右に呈上候間何卒御指教御叱正を賜はらば幸甚之至に御座候 早々敬具

昭和三年五月

各 位

渡 過 鉢 吉

游滿韓小志自序

昭和丁卯四月九日余加愛知縣產業視察員上滿
韓視察之途閱日十七日歸家解旅裝此間所獲詩
若干編成一卷本是忙中之餘技而行筐所齎韻府
一隅一部耳是以粗末倍平生而不加太潤改要存
當時興會以供他日記念而已 柳外識

朝雲暮雨驚心動魄日清心而日。遊船
一擣一擣再擣以解家船中之愁去歸之樂
於千鈞之一舉本是曾中大約好而實則甚
難。身之急閑日十日相隨來船過此山船過此
湖底丁寧問風水日余賦錢取購酒肉舟上船

游滿韓小志自序

游滿韓小志

三河柳外渡邊趴吉稿

發程

百花時節出金城朝上西溟萬里程前路不愁知已少
春風隨處有啼鶯
春風隨處有啼鶯好是綿蠻慰客情況有雄心猶未老
驪歌聲裡旅裝輕
驪歌聲裡旅裝輕
百花時節出金城

船中

火船疾如箭駛過瀨戶間天邊青一髮箇是鎮西山
關門潮勢急顧望叩舷歌何日利天險龍橋架碧波
夢趁青松岸望迷玄海灘驚濤翻白雪四月客衣寒

玄洋夜航

濃霧晚來漫海天暗風捲浪雪翻舷恍疑船上泰山頂
乍訝身沈奈落淵汽笛聲聲頻報警客牀轉轉未成眠
游心鄉思交衝臆真箇一宵長若年

過玄洋

船過玄洋航路寧輕鷗翦浪閃銀翎游朋笑指遼東近
水接天邊認寸青

入大連

眼中形勝壓諸蠻換主津關改舊顏戰後山迎青似笑
樓船徐入大連灣

大連

西船東舶日來還集貨如山山擁灣應識滿蒙生產業
盛衰懸在此津關

街上所見

殊音不解意堪親忘我天涯萬里身日本橋頭回首望
西空一朶岳蓮新大連富士

大連愛知縣人會招宴席上

燈紅兼酒綠人倚泰華樓談熟忘賓主氣騰貫斗牛盤肴皆異味時事盡同憂痛飲頻呼快更闌杯未收

旅順有作

金湯終棄守面縛出城來休說張巡節渠儂亦勇哉恃堅據險敵能支棄艦開城遂乞慈休說雙雄優與劣成仁或一殺身誰戰跡尋來涕淚新忍看髑髏雜砂塵恨同無定河邊骨又是春閨夢裡人

爾靈山用乃木將軍韻

幾侵鐵火競登攀友倒身傷未口艱戰捷將軍泣題石

千秋人仰爾靈山

白玉山

旅順天險遂難支笑看俄兵揭白旗曩日皇軍酣戰處表忠塔下立多時

旅順八景

一老鐵晴嵐

明麗真如畫隔波呼欲應興亡曾不管峻嶺碧崚嶒

二龍河煙雨

橋姿又樓影景趣自堪憐兩脚織於柳龍河水欲烟

三虎尾歸帆

虎尾橫灣口長磯斜日衝潮平鵠無影天際有歸帆

四 爾靈朝雪

毅魄留斯土豐碑萬古傳玲瓏山上雪早帶曉暉鮮

五 陽溝落雁

烟暗陽溝水遠街燈火稠時清無伏敵雁列下沙洲

六 塩浦晚潮

潮痕白如雪浦樹暮烟斜一曲誰吟月清歌浪淘沙

七 白玉夕曛

人在暮烟裡低回欲去遲斜曛逗山頂猶照表忠碑

八 黃金秋月

故壘秋風冷海樓呼酒看黃金山一角晚放月團圓

金州途上

春月車窓白南山暮靄收分明城郭影知是古金州

遼陽途上

多情昨夜照車房清影曉看懸翠楊一片金州城外月

隨吾百里到遼陽

遼陽

曉天開大野風勁捲征袍城郭今非昔巍然白塔高

有作

易地乃然誰異情將軍何意事長征遼陽有婦空閨裡

遙憶良人在北京

奉天途上

垂楊處處帶烟斜沃野連天不見家
敲句翻思秋熟日黃雲千里欲無涯

千秋國策孰先鞭踏破初知言有權若使邦農管斯土
望中無處不秧田

奉天

知是清朝此發祥星移物換感偏長豈言國破山河在
形勝依然扼北疆

康衢時聽玉人箏不似中原漲戰聲張氏門前春寂莫

垂楊烟鎖奉天城

奉天客舍作

驛樓敲句剔燈花翠髻懃懃笑侑茶問歲十三同我女
征途未半忽思家

口占

藩樹遼雲去路遙連天曠野望淒寥英雄猛卒童猶識
毅魄忠魂我欲招百戰山河空棄擲千秋經略徒憂焦
男兒須養四方志斜日高岡仰羨雕

北陵

殿樓金碧帶斜陽石馬無聲輦路荒王氣猶看未鎖盡

刺將松柏鎮靈場

撫順

千古富源喧世評童蒙猶識炭田名經營一自歸吾手
不說鎮邊撫順城百萬山高空氣爽千峰壁立踏遊教我叫愉愉休笑書生事事迂地底一千三百尺
此中誰信有街衢

到長春

疎疎榆柳擁人家車入長春不見花身似歸鴻飛向北
艷陽時節客天涯

呈坂本君

螢窓雪案互相親一別參商廿七春異域何圖重握手
歡談共忘遠遊身

哈爾賓驛

一發飛丸破寂寥巨星墮地恨難銷我來尋舊低回久
驛樹春寒颯起飈

沖橫川志士

鐵路可斷長橋可摧一塊炸藥山河亦隕僧衣變體
夜入城隈同志相約快舉將催遺憾事破雄志歸灰
荒郊曝骨松水聲哀曠古征戰我武恢恢虜軍屏息
捲旗終回所基唯氣卿等爲魁連戰連捷英靈作媒

我來懷舊酌酒掃苔豐碑屹立仰視低徊死酬君國
其志烈哉天下多事憶風雲方

哈爾賓驛有作

藤公荷重任萬里到邊州下車哈都驛歡迓人作邱
中有韓豎子銃聲驟四周飛丸不可避鮮血染征裘
從客含笑倒魂去奈難留巨星忽墮地雲物轉悲愁
空成異域鬼勳績耀千秋東洋平和事遺策扶皇猷
沒後合邦就韓民悉懷柔山川無障壁草木恩露稠
毅魄今何處英姿尚在眸低徊遭難跡懷舊涕泗流
情激欲捧句才窮不自由巴調本無用嘲吾僻未休

況有詩豪在當年侍公遊一丸噴熱血百韻賦歸舟

似森岡氏

昌邦

快輪容易度邊關萬里誰言行路難隨處與君同起臥
客樓無夢到家山

有作

時局紛紛解者誰頻看朔北羽書馳松花江水依稀碧
來弔殉難志士碑

哈城竹枝

碧瞳金髮舞姿新領略城中不斷春無復恩讐妨綺夢
姊迎越客妹吳賓

國破家亡未棄生殊音唯恨叵披誠松花江水深千丈
不及思郎朝暮情

本溪湖

東西鐵路便交輸採鑛業昌區接區只聽如今機器響
煤烟橫劃本溪湖

連山關

一聲長邃夜堪憐酒醒征人猶未眠不識梅花何處落
連山關外月如烟

鳳凰城

夜山如影影崢嶸月映街燈萬象明無復鬢奴來犯境

風雲長歛鳳凰城

鴨綠江

岸闊村遙樹似烟輕雲飛過白山嶺東風送暖冰全解
鴨綠水濃春一川
萬馬當年爭亂流皇恩今日沿邊陬眼看鴨綠一江水
依舊汪洋劃二州

平壤

柳京歌舞地自古麗人多檻外山凝黛鷗邊水織羅
澄江環郭緩畫舫載琴過不讓楊州景珠樓儘醉哦

柳京平壤別名

平壤有作

萬樹春深乙密臺大同江畔鬱崔嵬耐思當日皇軍勇
一舉直超天險來

所向吾軍頻奏功何論卒伍與英雄牡丹臺上笑回首
百戰江陵一望中

水原

離宮何處是山郭認亭臺春入萬楊柳依稀翠色堆

京城途上

松聲颯颯水冷冷時有飛禽翻白翎須補舊來五土誌
車窓迎送萬山青

水舒山緩景堪親夾路松林翠靄新衣縞裳立遙隱見
看爲仙鶴是行人

京城

一齊櫻樹抹紅霞春滿京城幾萬家顧忘忘吾身是客
他鄉還看故鄉花

景福宮

景福宮前感慨頻丹楹彩柱淨無塵向人休說王朝事
花薰御溝依舊匱
李家社稷賴皇猷唇齒盟成見善謀慶會樓存名不背
巍然殿宇屹千秋

昌慶苑 夜觀櫻

萬點銀燈萬朵櫻衣香扇影逐群行樓臺也是畫中物
併作人間不夜城

訪總督府有作

槿域欣看恩露均前賢治績到今新英靈泉下應含笑
兩地一家天下春結句用李完用先生成句

又一律

同種同文每結隣合邦今日一家親山承惠澤松杉聳
水湛恩波鷗鷺馴八道興隆新氣運千秋扶植健精神
扶桑槿域何論態聖世謳歌共樂春轉句用前總督曾彌先生之成句

似稻垣氏 一郎

萬里天涯不憶家來看韓滿二州花同遊客有玉川在一鼎松濤時試茶

秋風嶺

山樹春濃花滿眸下車村驛忘鄉愁問名此地秋風嶺
又恐早霜飛上頭

赴釜山途上

李嬌梨艷水西東車外景光家國同笛裡花飄紛似雪
征衣春冷夕陽風

釜山

盈盈積水碧如油
檣雨帆烟霸氣收
鬼上官名童尙記
青山一角祭肥州

入關門

對州山澹碧無痕只看輕鷗掠水翻十八里灘風浪穩
歸帆容易入關門

歸家書感

奚囊空乏與詩貧
飄忽歸家感更新
絕域過來身尙健
邊城到處意常親
風煙警警三千里
談笑怡怡十二人
喜我此行全素願
菲才何日答皇仁

游滿韓小志 奥附

昭和三年四月二十五日印刷

昭和三年四月二十九日發行

非賣品

原籍及住所

愛知縣西加茂郡舉母町大字舉母
字常盤町十七番地

原籍

岐阜縣加茂郡上米田村大字
福島四十番戶

著作者

渡邊鉢吉

住 所

名古屋市中區西日置町山王一番地

印 刷 兼

長 谷 川 圓 石

印 刷 所

東 海 印 刷 社

318

319

終

